

Agostino Pirastru

SU PANE

2° premio (Logudorese)

Pane, ti beneigo ogni momentu,
pro te canto sa menzus rima mia:
ses de sos poverittos s'allegria,
de sas mensas profumu et ornamentu.
Domandamus su nobile alimentu
cando faghimus sa pregadoria:
«Babbu Divinu, – nende gai a Tie –
dannos su pane nostru 'e ogni die».

In campagna, pacificu et giocundu,
osservo su solerte agricoltore
sa terra trabagliende cun suore
pro b'ispargher su semene fecundu;
pro crescher bene in su sulcu profundu
tottu s'annu lu curat cun amore
et solu est bella s'opera et cumplida
cando lu messat ispiga ingranida.

De sas ispigas cumulos de ranos
si formant et trasportant in granale;
de sas massajas in espertas manos
passat su preziosu cereale:
faghent pane a malaidos et sanos,
si nde cibant ogni essere mortale,
poveru o riccu, in reggia o in tuguriu
solu su pane est su bonu auguriu.

Pane, ti miro in banca preparadu
cando Cristos fatt'hat s'ultima chena.
Isse t'hat beneittu et cunsacradu

misticu cibo a s'anima serena.
S'attu divinu est sempre rinnovadu
in ogni parte 'e s'isfera terrena:
Pane Cristos in s'Ostia diventat
et pane anima et corpus alimentat.

Su pane aberit de chelu sas vias
a chie pro limusina lu donat;
su pane rinnovellat energias;
su pane a trabagliare ognunu ispronat;
senza su pane has chentu maladias,
senza pane sa vida ti abbandonat;
– su pane – tottu domandant cun brama
fizos et fizas a babbu et a mama.

Pane, t'esalto et beneigo ancora:
tue su cibo ses pius elettu:
t'appant in vida fin'a s'ultim'ora
sos chi che deo t'hant sacru rispettu;
lu prego a Deus et Nostra Signora
chi mai nde restemus in difettu;
De vivere in su pane est s'isperanzia:
Deus donalu a tottu in abbondanzia.

IL PANE

Pane, ti benedico ogni momento, per te canto le mie migliori poesie; sei dei poverelli l'allegria, e delle mense profumo e ornamento. Chiediamo te nobile alimento quando eleviamo le nostre preghiere: «Padre Nostro, Ti diciamo, dacci oggi il nostro pane quotidiano».

Nei campi pacifico e giocondo, si vede il solerte agricoltore, lavorare la terra con amore per spargervi il seme fecondo; e perché cresca nel solco profondo lo cura tutto l'anno con passione, e la sua opera può dirsi completa, quando può mietere le spighe mature.

Dalle spighe sorgono cumuli di grano che vanno a riempire i granai; poi passa nelle mani delle massaie che fanno il pane per tutti. Così se ne può cibare ogni uomo, ricco o povero, nella reggia o nel tugurio; perché il pane è anche buon augurio.

Pane, ti guardo sulla tavola preparato per l'Ultima Cena di Gesù. Egli ti benedisse e consacrò mistico cibo per l'anima serena. L'atto divino è sempre rinnovato in ogni parte della terra: e pane diviene il Cristo nell'ostia, ed è pane che alimenta anima e corpo.

Il pane apre pure le vie del cielo a chi lo dona in elemosina; rinnova le energie del corpo, e sprona ciascuno a lavorare; senza il pane ci sono cento malanni, senza pane la vita ci abbandona: e tutti chiedono pane con brama, figli e figlie, al babbo e alla mamma.

Pane, ti benedico ed esalto ancora: tu sei il più eletto dei cibi, ti abbiamo sempre fino all'ultima ora, quelli che come me ti rispettano. Io prego Dio e la Madonna che mai ce lo faccia mancare. Tutti sperano di avere sempre il pane, e Tu, o Dio, donalo sempre in abbondanza.